

## **FAQ PROJEK INTEGRASI SISTEM ESPP DAN EPERMIT SERTA AUTOMASI PENILAIAN PERMOHONAN PERMIT**

1. Apakah tujuan projek ini dijalankan oleh Jabatan Tenaga Atom (Atom Malaysia)?

**Jawapan:** Inisiatif yang telah dilaksanakan oleh Jabatan Tenaga Atom (Atom Malaysia) adalah bertujuan untuk mewujudkan platform integrasi di antara sistem eSPP dengan sistem ePermit serta melaksanakan penilaian permohonan permit secara automasi. Projek ini akan membantu pihak pemegang lesen dibawah Akta Perlesenan Tenaga Atom 1984 (Akta 304) yang menjalankan urusan dan aktiviti melibatkan import dan eksport peralatan sinaran untuk mendapatkan keputusan bagi permohonan permit import atau eksport dalam tempoh masa yang lebih singkat dalam membantu memacu ekonomi negara.

2. Apakah pendorong untuk inisiatif ini dijalankan?

**Jawapan:** Projek ini dijalankan di bawah inisiatif **Reformasi Kerenah Birokrasi (RKB)** yang menyarankan jabatan dan agensi kerajaan untuk melaksanakan reformasi peraturan, proses kerja dan memendekkan tempoh untuk mendapatkan perkhidmatan dari jabatan dan agensi kerajaan. Atom Malaysia telah menyambut baik perkara ini dengan mewujudkan integrasi di antara **sistem ePermit** dibawah seliaan Syarikat Dagangnet Technologies Sdn Bhd dengan **sistem aplikasi eSPP** dibawah seliaan Jabatan Tenaga Atom.

3. Apakah proses kerja atau prosedur yang telah dibuat penambahbaikan?

**Jawapan:** Melalui projek ini, proses penilaian permit yang pada masa kini dilakukan secara manual dan perlu melalui dua (2) peringkat iaitu verifikasi dan kelulusan (*verifying and approval*), akan dilakukakn secara automasi. Ini dapat dilaksanakan dengan mewujudkan satu platform integrasi antara sistem eSPP dan sistem ePermit. Selain itu, maklumat tempoh sah lesen bagi pemegang lesen yang telah selesai membaharui lesen juga akan dikemaskini secara automatik ke dalam sistem ePermit. Melalui projek ini juga, maklumat model radas penyinaran dan unsur radionuklid yang baru didaftarkan di dalam sistem eSPP akan dikemaskini ke dalam senarai radas penyinaran dan unsur radionuklid di dalam sistem ePermit.

4. Apakah kelebihan kepada pemegang lesen selepas projek ini selesai dilaksanakan?

**Jawapan:** Melalui projek ini, pemegang lesen Kelas E (Import dan Eksport) akan mendapat keputusan permohonan permit import dan eksport dalam tempoh 24 jam dari tarikh permohonan berbanding tempoh purata 5 hari sebelum ini. Selain itu, maklumat berkenaan tempoh sah lesen (selepas pembaharuan lesen) dan maklumat model radas penyinaran serta unsur radionuklid yang baru didaftarkan di sistem eSPP akan dikemaskini secara automatik ke dalam rekod sistem ePermit

5. Apakah tarikh-tarikh penting yang berkaitan dengan projek ini?

**Jawapan:** Tarikh-tarikh penting bagi projek ini adalah seperti berikut:

- i. Pembekuan modul “Pendaftaran Model Radas Baru” bermula **Jumaat, 07 November 2025 sehingga 15 November 2025**;
- ii. Pembekuan sistem permohonan permit (ePermit) bermula bermula **Jumaat, 14 November 2025 (6:00 petang sehinga 8:00 malam)**;
- iii. Perubahan proses akan berkuatkuasa sepenuhnya bermula Jumaat, 14 November 2025 (8:00 malam).

6. Adakah terdapat tindakan yang perlu diambil perhatian oleh pemegang lesen bagi memastikan permohonan permit mendapat keputusan yang sewajarnya?

**Jawapan:** Ya. Pemegang lesen hendaklah melengkapkan borang permohonan permit dengan memasukkan maklumat yang tepat dan selaras dengan maklumat yang terdapat di dalam lesen di sistem eSPP. Pemegang lesen boleh merujuk Lampiran 1 untuk perincian perkara dan maklumat yang perlu diambil perhatian semasa membuat permohonan permit.

7. Siapakah pegawai yang boleh dihubungi untuk projek ini?

**Encik Hafiz Bin Hadzori**

- Emel: hafizh@atom.gov.my
- No. Tel: +603-8922 5888 | Sambungan: 5767

**Puan Dewisinta Binti Mokhtar**

- Emel: dewisinta@atom.gov.my
- No. Tel: +603-8922 5888 | Sambungan: 5760

**Lampiran 1: Perincian Maklumat Untuk Permohonan Permit**

| Bil. | Keperluan | Field             | Permit  | Penerangan                                                                                                                                                                                                                                                                                                                                                                                                               |
|------|-----------|-------------------|---------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1    | Mandatori | Item Details      | Semua   | <ul style="list-style-type: none"> <li>Bagi permohonan yang melibatkan lebih dari satu bilangan radas penyinaran atau bahan radioaktif, sila tambahkan maklumat bagi setiap item dan tidak memasukkan maklumat bertindih di dalam satu ruang</li> <li><b>(Contoh: memasukkan nombor siri bagi beberapa unit model radas "ABC123, CDE234, DEF345" akan menyebabkan permohonan digagalkan secara automatik)</b></li> </ul> |
| 2    |           | Applicant Details | Semua   | <ul style="list-style-type: none"> <li>Hanya <b>OBTL, PPS, JPS, PPB</b> atau <b>PY</b> sahaja yang dibenarkan</li> <li>Maklumat <i>Applicant Detail</i> hendaklah sama seperti diiktiraf di dalam sistem eSPP: <ul style="list-style-type: none"> <li>i. <b>Nama penuh termasuk ejaan</b></li> <li>ii. <b>Nombor Kad Pengenalan / Nombor Passport</b></li> </ul> </li> </ul>                                             |
| 3    |           | End User Details  | Eksport | <ul style="list-style-type: none"> <li>Bagi permit eksport, pastikan nama negara dimasukkan dengan lengkap <b>(Contoh: Jika end user adalah di negara Jepun, sila masukkan "Jepun" di dalam ruang negara dan bukan "JP" atau "JPN")</b></li> </ul>                                                                                                                                                                       |

|   |           |                     |        |                                                                                                                                                                                                                                                                                                                                                                                                                                                                                                                                                                                                                                                                   |
|---|-----------|---------------------|--------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 4 | Mandatori |                     | Import | <ul style="list-style-type: none"> <li>Bagi permit import, sila isikan nombor lesen End User dengan tepat mengikut format berikut:                             <ol style="list-style-type: none"> <li><b>Pemegang lesen Atom Malaysia:</b> LPTA/A/_____</li> <li><b>Pemegang lesen KKM:</b> KKM/_____</li> <li><b>Pemegang daftar KKM:</b> KKM/_____</li> </ol> </li> <li>Bagi pemegang lesen atau pemegang daftar dibawah KKM, sila pastikan nama hospital ditulis dengan lengkap di ruang "Company Name"</li> <li><i>(Contoh: Jika End User adalah Hospital Putrajaya, sila masukkan "Hospital Putrajaya" dan bukannya "HPJ" atau "H.Putrajaya")</i></li> </ul> |
| 5 |           | Application Details | Semua  | <ul style="list-style-type: none"> <li>Pastikan pilihan "Port/Place of Import" dan "Entry Point" adalah sama</li> </ul>                                                                                                                                                                                                                                                                                                                                                                                                                                                                                                                                           |
| 6 | Mandatori | Additional Details  | Semua  | <ul style="list-style-type: none"> <li><b>Tarikh Import/ Tarikh Eksport:</b> Tarikh import atau tarikh eksport <b>TIDAK DIBENARKAN</b> samaada sebelum atau pada Tarikh Permohonan Permit</li> </ul>                                                                                                                                                                                                                                                                                                                                                                                                                                                              |

|   |           |              |       |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                               |
|---|-----------|--------------|-------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 7 | Mandatori | Item Details | Semua | <ul style="list-style-type: none"> <li>• <b>Permohonan melibatkan radas penyinaran (Irradiating Apparatus):</b> <ul style="list-style-type: none"> <li>• <b>Max kVp dan Max mA:</b> Masukkan nilai kVp dan mA dengan tepat tanpa unit (Contoh: jika radas mempunyai nilai kVP sebanyak 100 kVp, masukan nilai "100" sahaja di dalam ruangan terbabit)</li> <li>• <b>Pastikan nilai kVp dan mA adalah sama atau lebih rendah dari nilai dilesenkan</b></li> <li>• <b>Quantity:</b> Pastikan kuantiti yang dimasukkan adalah sama atau lebih rendah dari nilai dilesenkan</li> </ul> </li> <li>• <b>Permohonan melibatkan bahan radioaktif (Radioactive Material):</b> <ul style="list-style-type: none"> <li>• <b>Container Model:</b> Pastikan maklumat adalah tepat seperti model bekas yang dilesenkan</li> <li>• <b>Quantity:</b> Pastikan kuantiti yang dimasukkan adalah sama atau lebih rendah dari nilai dilesenkan</li> <li>• <b>Source/Mineral Activity:</b> Masukkan nilai keaktifan bahan radioaktif dalam unit Terra Becquerel (TBq) tanpa memasukkan unit. (Contoh: jika bahan radioaktif yang terlibat mempunyai aktiviti 10,000 GBq, tukarkan nilai ini kepada TBq iaitu bersamaan 10 TBq, dan masukkan nilai "10" di dalam ruang ini).</li> </ul> </li> </ul> |
|---|-----------|--------------|-------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|